

الأولاد

تلميذ أحول بيكتب حلو قوي . . ولكن في كراسة زميله . . الأبله قالت له : لو ركزت وكتبت في كراستك هاديلك هدية حلوة . . فكتب في كراسته . . راحت الأبله إدته بسكوتة فتحها وأكلها للي جنبه .

توأم قال لأخوه : إنت كنت فين من الصبح يا زفت؟ ماما حمتني مرتين .

ولد سأل مامته الحامل مشيراً إلى بطنها وقال : مين ده يا ماما؟ قالت له : أخوك . قال : وأنت بتحبيه؟ قالت له : أيوه . فقال لها : أمال أكلتيه ليه؟

ولد يقول لأبوه : عايز 2 جنيه علشان رايح عند محمدين ، فقال الأب : تاخذ جنيه وتروح عند محمد؟

واحد يقول لأمه : الراجل ده بيبوس أختي ليه؟ قالت : أصله هيتجوزها . قال لها : أمال بابا هيتجوز الخدامة إمتى؟

الأولاد

مرة ولد صغير راح لجارته وطلب منها إنها تورّيه لسانها فسألته : ليه؟
فقال لها : عشان ماما بتقول إن لسانك زي العقربة .

مرة بنت قالت لأمها : هو السمك بياكل سردين؟ قالت : أيوه . قالت
لها : طيب إزاي بيفتح العلبه؟

مرة طالبة مشاغبة اشتكاها المدرس للمدير . المدير بعت قال لها :
عملتي إيه؟ قالت له : ولا حاجة رميت وردة من الشباك . قال : بس
كده؟ قالت له : آه . بعد شوية لقي المدير طالبة مدغدغة ومكسرة
سألها : إيه اللي عمل فيكي كده؟ قالت له : أنا وردة اللي اترمت من
الشباك .

مرة تلميذ بيسأل الأستاذ : هو الإنسان ممكن يعاقب على حاجة
معملهاش؟ قال له : لا طبعاً . ففرح التلميذ أوي وقال له : خلاص أنا
معملتش الواجب .

تلميذ لزميله : هل الهند بعيدة؟ الزميل : لا . لا أظن ذلك . ففي
صفنا تلميذ هندي يأتي إلى المدرسة كل صباح على دراجته .

مرة واحد ابنه طلع من الأوائل عمل إيه؟؟ شفره .

واحد في الامتحان مش عارف يحل والامتحان كله صح وغلط ، راح مطلع بريزة ولعب ملك وكتابة على الامتحان ، خالص الامتحان في نص ساعة ، طلع البريزة تاني لـــــــــــــــــــــــــــــــــــــه؟ عشان يراجع .

3 تلاميذ اتأخروا عن الحصّة الأولى ، لما وصلوا ، المدرّسة قالت لهم :
 إنتوا كنتوا فين؟ الأول قال : أنا ضاع مني الخاتم ، الثاني قال : وأنا
 كنت بادورّ معاه ، فسألّت الثالث : وانت كنت فين؟ قال لها : أنا
 كنت دابس عليه .

تلميذ كسلان اتفق مع زميله إنه يكتب له الإجابات على ورقة؛ لينقلها في ورقة الإجابة الخاصة به، ففعل زميله، وكاد المصحح أن يعطيه الدرجة النهائية لولا إنه وجد عبارة في نهاية الورقة تقول: إذا شافك المدرس قطع الورقة.

واحد قال لابنه: نابليون وهو أدك كان أول واحد في الفصل ، رد
الولد: ونابليون وهو أدك كان إمبراطور .

الأولاد

واحد يقول لأولاده: مين يقدر يرسم حمار على الغايب؟ ولد قال: بس اخرج بره علشان ما حدش يغش.

مرة واحدة حامل ابنها سأل إيه اللي في بطنك يا ماما؟ قالت له: ده أخوك، تاني يوم في المدرسة سألوه عندك أخوات؟ قال: آه بس ماما أكلته.

راجل من أكلة لحوم البشر أخذ ابنه الصغير لتدريبه على اصطياد البني آدمين، فمرت عليهما واحدة نحيفة، فقال الابن: نصيدها ونأكلها، فقال الأب: لا يا ابني دي معضمه ما فيهاش لحم، ثم مرت واحدة سمينة، فقال الابن: نصيدها ونأكلها، فقال الأب: لا دي كلها شحم ودهن ما فيهاش لحم، فمرت فتاة جميلة ممشوقة القوام، فقال الابن: نصيدها ونأكلها، فقال الأب: لا دي نصيدها وناخذها البيت ونأكل أمك.

واحد عنده 4 أولاد، شاف إعلان اللي عنده 5 أولاد يكسب عربية مرسيدس، راح لمراته، قال لها: أنا هاعترف لك، أنا عندي ولد من واحدة تانية، نجيبه ونكسب العربية؟ قالت: ماشي، خرج ورجع بالولد ملقاش الأربعة. قال لها: فين الأولاد؟ قالت: كل واحد جه أبوه وخده.

المدرسة قالت للتلميذة: دلوقتي جه وقت الأسئلة المحرجة، احنا كبرنا ومن حقنا نعرف كل حاجة، ردت البنت وقالت: طبعاً اسألني أي سؤال على بالك.

ولد سأل أمه: ليه أبويا أصلع؟ قالت: دي علامة للذكاء، قال: وليه شعرك انت طويل؟

واحد قال لأبوه: المدرس بتاعنا اتجنن، سألته: ليه؟ قال له: قال إمبارح: $5 = 2 + 3$ ، والنهاردة بيقول: $5 = 1 + 4$.

الابن لأبوه: هل تقرأ في الظلام؟ الأب: لا. الابن: إذا سأطفيء النور لتمضي على شهادة امتحان الشهر.

سأل صاحبه: فين اتولدت؟ قال له: في المستشفى. قال له: ليه انت كنت عيان؟

واحد رسم نقطة. جه المدرس سألته: إيه ده؟ قال له: دي طيارة من بعيد.

طفل سأل أمه : أنا جيت الدنيا إزاي؟ قالت : أبداً وضعت قطعة سكر تحت السرير ثاني يوم لقيتك ، عمل نفس الشيء وثاني يوم لقي صرصار بياكل في السكر ، قال له : لو ما كنتش ابني كنت دبجتك .

أب بيسأل ابنه : ليه يا ابني ما نجحتش في الثانوية العامة؟ قال له : والله لولا الرياضة والفيزياء والعربي والإنجليزي والأحياء والكومبيوتر والموسيقى لكنت ضمنت النجاح .

واحد مسوي نفسه ولد نعمة ، سألته بنت : وين تدرس؟ . قال : في الشيراتون .

طالب يدرس ، المدرس قال له : قل (اجلس) . قال الولد : إدلس . يقول له المدرس : اجلس ، فيقول هو : إدلس . ولما أحضروا ولي أمره فقال لهم : وش تبغون أسوي فيه والله الولد (مدني) .

ولد بيسأل أبوه : هل صحيح الحب أعمى؟ قال الأب : انظر لأمك وأنت تعرف .

الأولاد

طالب عند الاختبارات ياخذ معاه ملعقة . . ليش؟ علشان يقلب أفكاره.

16 طالب قاعدين في شقة . كل أسبوع يطردهوا واحد منهم . . ليه؟
بيقلدوا ستار أكاديمي .
